

দৈনিক ইত্তেফাক

প্রতিষ্ঠাতা তহফাজ্জল হোসেন মানিক মিয়া

উত্তরা ইউনিভার্সিটিতে বিএনডিপি ডিবেটার হান্ট ও ও নোভিস ন্যাশনালের ফাইনাল
অনুষ্ঠিত

ইত্তেফাক ডিজিটাল ডেস্ক
প্রকাশ : ০৭ মে ২০২৪, ১৮:৫৩



বিএনডিপি ডিবেটার হান্ট শনিবার (২৭ এপ্রিল) শেষ হওয়ার পরপরই আয়োজনে অংশগ্রহনকারীদের নিয়ে ৫ ও ৬ মে উত্তরা ইউনিভার্সিটি মিলনায়তনে আয়োজন করে বিএনডিপি মে দিবস নোভিস ন্যাশনাল বিতর্ক প্রতিযোগিতা। এতে সারাদেশ থেকে ৪৮টি বিতর্ক দলের ১৩২ জন বিতর্কিক অংশগ্রহণ করেন এবং প্রায় ৯০ জন বিচারক বিচারকার্য পরিচালনা করেন। দুইদিনের এই আয়োজন আলোকিত করতে আয়োজনের সাথে ছিলেন দেশ সেরা সব প্রতিষ্ঠানের বিতর্কিক, বিচারক, সংগঠক, শিক্ষকসহ অনেকে।

৫ মে দিনব্যাপী প্রাথমিক পর্বগুলোর বিতর্ক শেষ হওয়ার পরে। ৬ এপ্রিল উক্ত আয়োজনের সেমি ফাইনাল পর্বের বিতর্ক ও গ্র্যান্ড ফাইনাল অনুষ্ঠিত হয়। যেখানে চ্যাম্পিয়ন হওয়ার গৌরব অর্জন করে ডিবেট ক্লাব অব নওগাঁর বিতর্ক দল 'ডিসিএন-বিক্রমবিহার' ও রানার আপ হয় চট্টগ্রাম বিশ্ববিদ্যালয় স্কুল অব ডিবেটের বিতর্ক দল 'সিইউএসডি-বুদ্ধিজীবী চম্বর'। এছাড়াও ফাইনালের শ্রেষ্ঠ বক্তা হন তানজিম বিন বারী এবং পুরো প্রতিযোগিতার সেরা বিতর্কিক নির্বাচিত হন তাহসিনা রহমান এবং সম্পূর্ণ প্রতিযোগিতার প্রধান বিচারকের দায়িত্ব পালন করেন জেইউডিও এর সাবেক সভাপতি ফয়সাল মাহমুদ শান্ত, লেকচারার, উত্তরা ইউনিভার্সিটি। একইদিন সাধারণ শিক্ষার্থীদের জন্য ছিল জাতীয় মে দিবস কুইজ প্রতিযোগিতা ও ইংরেজি পাবলিক স্পিকিং প্রতিযোগিতা। অনুষ্ঠান শেষে সকল বিজয়ীদের হাতে পুরস্কার তুলে দেন সম্মানিত অতিথিবৃন্দ।

উক্ত আয়োজনের সমাপনী অনুষ্ঠানে প্রধান অতিথির আসন অলংকৃত করেন জগন্নাথ বিশ্ববিদ্যালয়ের সম্মানিত ভাইস চ্যান্সেলর জনাব প্রফেসর সাদেকা হালিম, পিএইচডি মহোদয়। বিশেষ অতিথি ও প্রধান বক্তা হিসেবে বক্তব্য রাখেন উত্তরা

ইউনিভার্সিটির সম্মানিত ভাইস চ্যান্সেলর প্রফেসর ড.ইয়াসমিন আরা লেখা। এছাড়াও বিশেষ অতিথি হিসেবে উপস্থিত ছিলেন জগন্নাথ বিশ্ববিদ্যালয়ের আইন অনুষদের সম্মানিত ডিন প্রফেসর ড. এস এম মাসুম বিল্লাহ, জগন্নাথ বিশ্ববিদ্যালয়ের রাষ্ট্রবিজ্ঞান বিভাগের সহযোগী অধ্যাপক ও জেএনইউডিএস এর মডারেটর ড. নিবেদিতা রায়, ডেলটা ফোর্স লিমিটেডের ম্যানেজিং ডিরেক্টর ও সিইও জনাব মেজর (অব:) তারেক আবদুল্লাহ ইমাম, বিসিইসআইআর স্কুল এন্ড কলেজের সম্মানিত প্রিন্সিপাল ও জাতীয় শিক্ষক সমিতির সম্মানিত সভাপতি জনাব ড. ইদ্রিস আলী প্রমুখ। অনুষ্ঠানে সভাপতিত্ব করেন বাংলাদেশ ন্যাশনাল ডিবেট প্ল্যাটফর্ম এর সভাপতি মাস্টিন আল মুবাশ্বির এবং সম্পূর্ণ অনুষ্ঠান পরিচালনা ও সঞ্চালনা করেন বাংলাদেশ ন্যাশনাল ডিবেট প্ল্যাটফর্মের সাধারণ সম্পাদক, আব্দুল আলিম আরিফ।

আয়োজনে অতিথিরা নতুন বিতর্কিকদের উত্তরোত্তর সফলতা কামনা করেন। একই সাথে আগামীতে বিএনডিপির যেকোনো আয়োজনে জগন্নাথ বিশ্ববিদ্যালয় ও উত্তরা বিশ্ববিদ্যালয় যৌথভাবে সহযোগিতা করার প্রতিশ্রুতি দান করেন দুই বিশ্ববিদ্যালয়ের ভাইস চ্যান্সেলর। সাথে সাথে আয়োজনে আগত শিক্ষার্থীরা কেউ উচ্চশিক্ষার জন্য উত্তরা বিশ্ববিদ্যালয়কে বেঁছে নিলে তাদের জন্য বিশেষ অর্থিক ছাড় দেওয়ার ঘোষণা দেন উত্তরা ইউনিভার্সিটির ভিসি ড.ইয়াসমিন আরা লেখা।

প্রায় দুই সপ্তাহব্যাপী এই আয়োজন ফাইনাল পর্বের বিতর্কের ফলাফল ঘোষণার মাধ্যমে ব্যাপক উৎফুল্লতা নিয়ে শেষ হয়।

ইত্তেফাক/এআই